

Das eilft Capitel.

Wie du mit einem stand vß einem Schiff
in die wyte messen solt.

Stz vß den Mastbaum / vnnd richt die Standregel mit dem Buchstaben b. vnderwerdts in den Senckel / vnnd ruck die Regel mit dem Buchstaben d. im Winckelhacken e. in das mittel / vnnd mach sy vest / Als dann miß von dem Centro a. auff dem Instrument hinab biß zum Wasser so findst 752 Schuch. Demnach nim die Regel mit dem Absehen / vnnd leg sy zwüschend dem a. c. vß den 75. Puncten vnnd ruck sy hinuß an das ort / so schnydt die Regel d. ab 264. Puncten. So ist hiñuß 264. Schuch.

Das zwölft Capitel.

Wie man sich mit diesem Instrument ver-
halten sol / wenn sich die Reglen nit abschny-
den wöllend.

Es begibt sich wol / wenn einer mißt / vnnd beyd stend nach by einanderen hat / daß wenn einer zu dem anderen stand kumpt / vnd die Regel mit dem Absehen vßfleit / vnd an das ort hinuß mißt (wie er dann begärt die wyte zuerfahren) so kommen die Reglen von einanderen / vnnd sind zu kurz / von wägen daß die stend zu nach by einanderen sind : so thu ihm also. Wenn du 100. Schuch zu dynem stand hast gnommen / vnnd es wil sich nit abschnyden / von wägen daß die Reglen zu kurz sind / vnnd du